

ՊՈԼՈՍ ՎԱՐԴԱՊԵՏ ՏԵՐ-ՄԱՐԳԱՐՅԱՆԸ ՀԱՂԱՐԾՆԻ ԲԱՐԵՆՈՐՈԳՈՂ

Հ. Ս. ԽԱՌԱՏՅԱՆ

Հաղարծնի վանքը, որը համարվում է ամենադարձաբեր Հայաստանի հոգևոր և մշակութային նշանավոր կենտրոն, գտնվում է Դիլիջանից 10—12 կմ հեռավորության վրա, մայր խճուղուց ձախ, անտառներով շրջապատված մի բարձրադիր հարթ տեղանքում: Համալիրը կառուցված է ամուր քարաժայռի վրա և բաղկացած է ա. Գրիգոր, ս. Ստեփանոս, Կաթողիկե, ս. Աստվածածին եկեղեցիներից, սեղանատնից, գավթից ու աղոթատնիքից: Այդ համալիրի գլխավոր տաճարն է ս. Աստվածածինը: Այն կառուցվել է 1071 թ.: Սեղանատունը կամ տրապիզը կամարակապ չորս փառավոր սյուներով մի ընդարձակ շինություն է, որը 1248 թ. կառուցել է տալիս մենաստանի վարդապետ Հովհաննես Արմանեցին, որի մասին վկայում է դռան կամարածե շրջանակի վրայի արձանագրությունը. «Ի թվ. Ողջ յառաջնորդութեան Յովհաննիսի վարդապետի շինութեան Աստուածաշէն տանս և ես Կուտաս արարող սնունդ սրբոցս ետու ազնութիւն արապաղիս դեկան վարդապետս յւ միաբանքս խոստացան ի տանի սուրբ Բարսղին... արւ ով իմփանե իմ մեղացն տէր է՝ Վանքում ամփոփված են Անիի Բագրատունի քաղաքավորներ Սմբատի և Գագիկի մարմինները»:

Թեև այս սրբավայրի հիմնադրման տարեթիվը ասույզ հայտնի չէ, սակայն այնտեղ այցելող յուրաքանչյուր ոք բոլոր տաճարներին կարող է տեսնել այդ շինությունների կառուցողների, վերանորոգողների, նորոգողների և նվիրատուների տարբեր ժամանակներում թողած բազմական նշանակության քաղաքացիական վիճակաւ արձանագրություններ: Ահա դրանցից մի քանիսը.

Ս. Աստվածածին եկեղեցու հարավային ներսի պատին.

«Շնորհին Աստուծոյ ես բէկս որդի Աշո յազգէ Հարբանց և ամուսին իմ Բորինա և եղբայրս իմ Սմբատ միաբանեցաք ի սուրբ ուխտս որպէս և հայր իմ և տուաք արդիւնս շինութեան»:

Սուրբ Գրիգորի գավթի դռան ճակատի մեծ քարի վրա.


«Կաման Ամենակալին Աստուծոյ այս մեր դիր յիշատակի է և արձան մշտնջենաւոր որդեաց մեծին Սարգսի յազգէ Բագրատունեան Իվանէի և Զաքարէի յորժամ նախախնամութիւն Աստուծոյ Եհաս յարարածս և ետ... տիրել սեպհական ժառանգութեան նախնեաց մերոց ետ ի ձեռս մեր յառաջ զանաւիկ զդեակն և զԱմբերդ և զՔաղաքաւորանիստ քաղաքն Անի և ապա զամուրն Բջնի և զՄարանդ մինչև զաւագանք ի Թաւրեժ զԿարնոյ քաղաք մինչև Խլաթ զՇաւղ և Զսորուան զՊարտաւ մինչև ի Բնկուկան և զայլ բազումս իւրեանց սահմանաւ զոր աւելորդ համարեցաք յիշատակել այս և անբարկանային Աստուծոյ սիրեց զՔաղ պարծանաց գլխոյ իմոյ զԶաքարէայ յւ կոչեց առ ինքն որոյ ձեռն եղև արիւթիւնս և ես շինեցի ի մեր հայրենի վայրս Հաղարծին ժամատուն վիճարդեան կամարակապ ի դուռն

1 Կ ի ր ա կ ո ս Գ ա ն ձ ա կ ե ց ի, Հայոց պատմություն, Երևան, 1982, էջ 162: Արձանաւոր. 1888, № 8, էջ 104:

2 Ս. Բ ա ր խ ու ա ա ր յ ա ն, Արցախ, Բաքու, 1895, էջ 367:

3 Դ ի վ ա ն հ ա յ վ ի մ ա գ ր ու թ յ ա ն, պր. 6, Երևան, 1977, էջ 50:

սուրբ Գրիգորիս 'և մէկ այգի յԾրեանէ որ վասն քիշատակի եղբար իմո և պարտին սպասաւորք սորա յաւագ խորանին պատարագն Զաքարէի մատուցանել անխափան կատարիչք զրոյս աւրհնեալ լիցին յԱստուծոյ՝



Դռան ճակատի վրա.

«ի թվին ՈՍԾ ի յաշխարհակալ Տէրութեան Զաքարէի և Իվանէի և յառաջնորդութեան Տեր Ստեփանոսի ես եալիք որդի Սմբատայ յիմ դեղն Քառաքեր Սկանտարանց հողը գնեցի և ի Հաղարծնս ետու վասն իմ հոգեոյս և վասն յերկարութեան կենաց Շահնշահի և Աւագին և միաբանքս զծարգարգարին և զերկրորդ Գալստեանն՝ ժամն ինձ ետուն զամեն եկեղեցեացս ով զայգին աստից հանէ կամ զիմ ժամն խափանէ իմ մեղացս տէր է և Յուդայի մասնակից եղիցի»⁴:

Այս և մյուս արձանագրութիւնները վկայում են, որ վաղ միջնադարում Հաղարծնում ծաղկել է հոգեւոր-մշակութային կյանքը ու վերելք լսարեկ XII դ. վերջերին և XIII դ. սկզբին, վանքի միաբան խաչատուր վարդապետ Տարոնացու օրոք, որն իր հոգեւոր գործերի հետ հորինել է գանձեր ու շարականներ, նպաստել խաղաղութեան արվեստի հստագա զարգացմանը:

Եվ, վերջապես, խոսելով Հաղարծնի սրբավայրի մասին, ավելորդ չի լինի խոսել նաև նրա անվան ծագման մասին: Ի՞նչ է նշանակում կամ որտեղի՞ց է առաջացել այդ անունը: Դրա լրացատրությունը, ավելի շուտ, ժողովրդական ստուգաբանությունը տալիս են Հասան Ջալալյանը՝ իր «Ճանաչարհորդություն ի մեծն Հայաստան» գրքում և «Արձագանքը»:

Հաղարծնի ս. Աստվածածին եկեղեցու պատի մանրակերտ քանդակի շուրջ կանգնած են ձեռքերը վեր պարզած երկու վեղարավոր կրոնավորներ: Հստ ավանդույթի, տաճարի օծման հանդեսի ժամանակ նկատում են, որ նրա զմբեթի վրա սավառնում է արծիվը, որի վայրիվերումները նմանվում էին խաղի: Վարդապետները արծիվը համարում են սուրբ հոգու մարմնա-

⁴ Արձագանք, 1888, № 8, էջ 102—103.

⁵ Նույն տեղում, էջ 103.

վորում: Այդ օրվանից էլ մենաստանը կոչում են խաղ արծյալի կամ Հաղ արծյալի: Խառատից էլ վանքի ՀԱՂԱՐԾԻՆ անվանումը:

XIII դ. այնտեղ սկսում է մարել կյանքը, իսկ XVIII դ. վերջին, Աղա Մահմադ խանի արշավանքների ժամանակ, որը խոշոր բանակով հարձակվում է Վրաստանի վրա, ստեղծվեց լրացառիկ ծանր կացություն: Մարտերի ընթացքում, չնայած հերոսական դիմադրությանը, ուժերի անհավասարության հետևանքով հայ և վրաց ջոկատները պարտվում են: Ավերվում է մայրաքաղաք Թիֆլիսը, սրի է քաշվում տեղի ժողովուրդը: Դա իր հերթին բացասական ազդեցություն է ունենում Ղազարի գավառի հայ բնակավայրերի վրա, որի հետևանքով դատարկվում են գավառի լրացմաթիվ բնակավայրերը, ավերվում վանքեր, եկեղեցիներ, որտեղ գաղարում է կյանքը, այդ թվում նաև Հաղարծնի վանքում:

Շրջակայքի գյուղերի չնախնայության տևական բացակայության հետևանքով սրբավայր և վանք տանող երթեմանի արթունական ճանապարհը մատնվում է մոռացության:

Մոտ 70 տարի վանքը դառնում է անմարդաբնակ: Ահա այս ժամանակաշրջանում է, որ վանքի համալիրը, իր շինություններով հանդեպ, խիստ տուժում է և քարքայվում:

Հաղարծինը և մյուս վանքերը վերջնական ավերումից փրկելու նպատակով 1849 թ. Կովկասի 27-ին Ղազարի և Շամշադինի՝ այդ ժամանակվա Հայոց հոգևոր գործոց վերատեսուչ Սարգիս Վարշամյանցը մի հայտարարությամբ դիմում է Վրաստանի և Իմերեթի Հայոց վիճակալի հոգևոր Ատլանին ու խնդրում միջոցներ ձեռք առնել դրանք փրկելու համար:

Այս հայտարարությունը՝ խիստ մտահոգիչ և տառապալի, միաժամանակ հրավերք-կոչ էր՝ լյաւհայանելու և ժողովրդին վերադարձնելու նրա մշակույթի և պատմության մի քանի կորուստ: Հանրությանն անծանոթ մի հոգեվորական ս. էջմիածնից՝ Պողոս վարդապետ Տեր-Մարգարյանը, որոշում է իր վրա վերցնել լաղարծնի բարեկարգման ու վերականգնման յառաքելությունը: 1862 թ. նա էջմիածնից հաղիս է անայի սրբավայրը, դառնում նրա վերականգնման Երկրորդ վարդապետին սպասում էր, հիրավի, դժվարին գործունեություն՝ փաշնարած ալազգիներից ազատել հուշարձանը և նրա տարածքը, ձեռնամուխ լինել շինությունների վերանորոգմանն ու սրբավայրի վերախանգնմանը: Նրա ջանքերով կարգի է բերվում ճանապարհը, փայտե կամուրջ է գցվում գետակի վրա, հնարավորություն է ստեղծվում վանք գնալու համար: Դավթի տանիքին նա փայտից պատրաստում է մի գմբեթ, կախում երկու զանգ, և գավիթը ծառայում է որպես զանգակատուն: Նաև դռն է դնում ս. Ստեփանոս եկեղեցուն: Մեկ տարվա ընթացքում նրան հաջողվում է որոշ չափով բարեկարգել իր խնամքին հանձնված շինություններն ու տարածքը:

Պողոս վարդապետը ծնվել է 1830 թ. Քանաքեռում, 1841—1848 թթ. սովորել և ավարտել է Մայր Աթոռի ժառանգավորաց դպրոցը: 1848—1858 թթ. եղել է վանական կառավարության անդամ և լուսարար: 1859—1863 թթ. եղել է Գորու հաջորդը, 1864 թ. մայիսի 15-ին Բարձրագույն հաստատությունում ընդանակվում է Սինոդի անդամ: 1867 թ. հունիսի 30-ի օրագրությամբ Սինոդը նրան կարգում է Ղազարի գավառի Հայոց վանքերի կազմաձևման կառավարիչ և Հաղարծնի վանքի վանահոր պաշտոնակա-

6 Ս. Հասան-Ջալալյան, Ժանապարհորդություն ի Մեծն Հայաստան, Տփլիս, 1842, էջ 130: Արձագանք, 1888, № 8, էջ 102:


7 Հայ ժողովրդի պատմություն, Երևան, 1972, էջ 302, 2. 2. Ոսկյան, Արքայի վանքերը, Վիեննա, 1953, էջ 235:

8 ՀՀ ՊՊԿ արխիվ, ֆ. 53, գ. 90, ց. 1:

9 Արձագանք, 1887, № 29, էջ 483, Խ. Շահադարյան, Հաղարծնի վանքը (անուիպ հիշողություններ), Դիլիջանի երկրագիտական թանգարանի զետեղում ֆ. 5:

տարւոյ 1892 թ. օգոստոսի 17-ին նշանակվել է Գանձարկի փոխանորդ, մինչև նույն ժամանակ վարելով Հաղարծնի վանահայրության պաշտոնը¹⁰։

Շրջակա բնակավայրերի հայ բնակչության մեջ վարդապետը մեծ հեղինակություն էր վայելում, որը նպաստեց վանքի և նրա կալվածքների բարեկարգմանը։ Վարդապետին հաջողվում է մշտական քննակություն հաստատելու համար մի քանի ընտանիք հրավիրել, որոնք կարգավորելու էին վանքի տնտեսությունը։



Պողոս վարդապետի ջանքերով ստեղծվում է վանքի մատենադարանը, որտեղ պահվել են մեծ քանակությամբ եկեղեցական ձեռագիր, գրչագիր գրքեր, դասագրքեր, այդ թվում ավետարան, Մայր Մաշտոց, Նոր կտակարան, Աստվածաշունչ, Տոնացույց, Ղազար Փարպեցու «Թուղթը», Ներսես Շնորհալու «Թուղթ ընդհանրականը», Նղիշե, Ս. արք. Զալալյանի «Ճանապարհորդություն ի Մեծն Հայաստանը» և այլն։

Պետական արխիվում պահպանվում է դեռևս 1885 թ. վարդապետի կազմած վանքի սեփականության լրագրով գույքացուցակը։ Այնտեղ բաժնավճիվ հնություններ են թվարկվում, ինչպես՝ արծաթյա և ոսկեզօծ խաչեր, սրբապատկերներ, եպիսկոպոսական գավազաններ։ Վանքապատկան սեփականությունից նշված են՝ մեկ ջրաղաց, ջրաղացքարեր, վեց

¹⁰ Մուրճ, 1896, № 12, էջ 1649, Արարատ, 1896, № 11, էջ 522։

գում, հողագործական և շինարարական աարքեր գործիքներ, կենցաղային-կառույցներ, ինչպես նաև 4000 սաժեն ճանապարհ¹¹:

Անտառը, համաձայն անտառվարչության տեսուչ Ալեքսանդր Ռոտին-յանցի հաշվարկի, արժեք 230.000 ռուբլի: Ահա այս խոշոր հնարավորու-թյունն էր, որի հետ մեծ հույսեր էր կապում վանահայրը: Անտառի վանո-նավոր շահագործման շնորհիվ ձեռք բերած միջոցներով նա սկսեց էլ լրիվ բարձրորդի վանքը, ստեղծել վանքապատկան գյուղ, նպաստել Դիլի-ջանի ժխական դպրոցին, վանքում մի հոգևոր դպրոց բանար¹²: Սակայն այդ բոլոր ծրագրերն ու նպատակները մնում են անկատար: Դիլիջանի ան-տառապետը ակնհայտ կերպով աշխատում է խանգարել վարդապետին: Այստե-ղից էլ սկսվում է վանահոր վեճը իշխանությունների հետ, որը ձգվում է ավելի քան երեսուն տարի: Երկարատև պայքարի ընթացքում նա դատա-րանների դռներն է մաշում՝ կալվածքի հարցում վանքի իրավունքները վե-րականգնելու նպատակով, սակայն արդյունքի չի հասնում: Նույնիսկ զա-ռամյալ հասակում, երբ գավառական դատական ատյաններում նա այլևս չի կարողանում արդարության հասնել, որոշում է հարցը լուծել պետական բարձրագույն ատյանների միջոցով: Այս նպատակով նա նույնիսկ գրավ է դնում իր ունեցվածքը:

Վարդապետին քաջածանոթ դիլիջանցի Խաչատուր Շահնազարյանը տարիներ անց իր անտիպ հիշողություններում գրում է. «Մարդ մնում է զարմացած, թե ինչպես այս կամքի տեր մարդը չէր հուսահատվում այդ անհաջողություններից և առանց օգնության, նույնիսկ քաջալերության, չի եճանդով, ապագայի քաղցր հույսով, ուրախությամբ տանում էր ամեն տե-սակ տանջանք ու զրկանքներ: Ամենքի կողմից հարգված այդ անձնագործ մարդը դռն-դռն ընկած ժողովրդավարություն էր անում, իր շարքաշ կյանքը քարշ տալով վանքի դատն էր պաշտպանում»¹³:

Խորհմյան Հայրիկը, դեռևս Վարդապետ վանքում լսում է Պողոս վարդա-պետի՝ վանքը վերականգնելու ձեռնարկումների մասին և մի քաջալերող, խրախուսական նամակ է գրում ու ոգևորում՝ սատար կանգնելով նրան:

1895 թ. Պողոս վարդապետը ճանապարհվում է Պետերբուրգ՝ վանքա-պատկան անտառի հարցով: Նրա մեկնումը տեղի է ունենում այն օրերին, երբ երկիրը և մայրաքաղաքը պատրաստվում էին նոր կայսր Նիկոլայ Երկ-րորդի թագադրությանը: Մայրաքաղաքում նրան մեծ օժանդակություն ցույց տվեցին հանրաճանաչ Վարապետ Եզյանը և սենատոր Գոնչարովը: Ամիսներ անց, վարդապետի համառոտությունը, ի վերջո, տվեց իր արդյուն-քը: Սենատը հօգուտ Հաղարծնի հաստատեց 700 դեսյատին հողատարա-ծությունը՝ իր անտառներով հանդերձ:

1896 թ. հոկտեմբերի վերջերին վեհափառը նրան հրավիրում է էջմիա-ծին: Պետերբուրգի անսովոր պայմանները, օտարության մեջ այդ ինն ամսվա շարժարաններն ու ճանապարհորդությունները բոլորովին քայքա-յել էին ազգանվեր հոգևորականի առողջությունը: Բժշկիկ ախտորոշում է տիֆ: Հյուսիսային մայրաքաղաքում իր եռանդն ու առողջությունը վատնած վարդապետի օրգանիզմը չի կարողանում հաղթահարել վրա հասած ծանր հիվանդությունը, և նա վախճանվում է միաբանների միջավայրում, 1896 թ. նոյեմբերի 2-ին: Նրան թաղում են հաջորդ օրը ս. էջմիածնի միաբանու-թյան հանգստարանում: Մայր տաճարում մատուցված հոգեհանգստին ներ-կա էր նաև վեհափառը, դրվատեցին նրա արժանիքները, թանկով՝ «Մի-միայն նրա անխոնջ աշխատանքին է պարտական այսօր Հաղարծնի վանքը իր վալվածքներով և բարեշինությամբ»¹⁴:

11 ՀՀ ՊՊԿ արխիվ, 3. 56, գ. 87, ց. 6:

12 Արձագանք, 13. XI. 1893:

13 Խ. Հ. Շահնազարյան, էջմ. աշխ.

14 Նոր գար, 16. I. 1897, Արձագանք, 10. XI. 1896, Արարատ, 1896, № 11, էջ 522:

իր զնահատականն է տվել «Արձագանք» թերթը՝ գրելով. «Պողոս վարդապետը այն արժանավոր հոգևորականներից մեկն էր, որոնք ամենայն ազնվությամբ ծառայում էին եկեղեցու և ազգին, Գաղափարի էր հետևում, չունեի ոսկի և արծաթ ինչք բազում, այլ իբրև ճշմարիտ աշակերտ Քրիստոսի և Ավետարանի մտածում էր, որ այդ մասին Աստված կհոգա: Մենք զրկվեցինք մեր արժանավոր հովիտից, Հաղարծինը՝ իր անձնվեր պաշտպանից, իսկ սուրբ էջմիածինը՝ իր ընտիր անդամից: Այո, պակասեցավ մի անձնավորություն, իդեալական՝ բառի բուն նշանակության մարդ, որից կարող է մեր հոգևորականությունը օրինակ վերցնել, թե ինչպես պետք է ծառայել գաղափարի հստակության»¹⁵:

Վարդապետի գործունեության մասին տարբեր թերթերում և ամսագրերում դրվատանքով են գրել նրա հետ շփվող և առնչվող, նրան հանդիպող և նրա գործունեությունը զնահատող հեղինակավոր ներկայացուցիչներ, գրականության գործիչներ:

1881 թ., դեռևս վանահոր կենդանության օրոք, «Մեղու Հայաստանի» լրագիրը իր թիվ 86-ում գրել է. «Այս երևելի մենաստանը (Հաղարծինը) գրեթե մոռացության էր մատնված, թեև նրա ֆեղեցիկ շինությունները արժանի են, որ առավել կյանք ունենային, քան թե ունենալու են այսուհետև... Պողոս վարդապետն է, որ ջանք է գործ դնում այս սրբությունները պահելու համար, սիրելով ազգը, որպես աչքը... ոչինչ չի խնայում նախնայց նշխարները կորուստից ազատելու համար»:

Մակար եպիսկոպոս Բարխուտարյանը 1890-ական թվականներին Արցախի նահանգի տարածքը ուսումնասիրելու ընթացքում այցելում է նաև Հաղարծին, որի արդյունքների մասին մանրամասն շարադրում է իր «Արցախ» գրքում. «Արժանապատիվ հայր սուրբը մաքառելով ամեն տեսակ նեղությունց, աղքատությանց և թշվառությանց հետ, պահպանում է վանքերս և ցարդ հազիվ կարողացած է վանքապատկան անել 5000 օրավար հողերից միայն 1105 օրավար, որը տեղավիճված չէ ևս վերջնակա նապես»¹⁶:

Հաղարծնի և վանահոր մասին իր ստացած տպավորությունն ու կարծիքն է հայտնում հայ մեծ գրող Ռաֆայել Պատկանյանը, նա գրել է. «Մի քանի ժամից հասանք հոյակապ անտառով շրջապատված պատմական վանքը, տեսա հուշակավոր Պողոս վարդապետին և նրա կտուրի տակ մի գիշեր անցուցի: Նա պատմեց, որ բնակություն է հաստատել վանքում 1862-ին, լուսահոգի Մատթեոս կաթողիկոսի օրոք և կամաց-կամաց կենդանություն է տվել վանքին: Այժմ Հաղարծինը բավականին հարստություն ունի, 1000 օրավար անտառ, մի փոքր անասունների հոտ, փոքրիկ բանջարանոց և պարտեզ: Հայր Պողոսը պատմեց ինձ, թե ինչ հրաշքով գտել է գետնաթաղ պղնձե կաթսան և զանգակը (այժմ պահվում է Հայաստանի պատմության պետական թանգարանում—Հ. Խ.) յուր խցի դրան առջևից և ինչպես ուղարկել է էջմիածնի թանգարանը: Կաթսայի վրայի մակագրությունն ենք երևում է, որ 785 տարի առաջ մի քահանա ընծայել է վանքին»¹⁷:

Պողոս վարդապետի մտահոգությունը, որպես Ղազարի գավառի վանքերի կալվածքների կառավարչի, չէր սահմանափակվում միայն Հաղարծնի վանքի գործերով: Նա կարևոր էր համարում նաև իրեն վստահված գյուղերի բնակչության և եկեղեցիների հոգևոր պահանջների բավարարումը: Հաճախ այցելում էր գյուղեր, ձեռք մեկնում վարդապետներին, առատարում, ըստ հնարավորին, տառապյալներին¹⁸:

¹⁵ Արձագանք, 10. XI. 1896,

¹⁶ Մ. Բարխուտարյան, նշվ. աշխ., էջ 308.

¹⁷ Արձագանք, 1887, № 29, էջ 483.

¹⁸ Նոր գար, 3. V. 1891:

Վանահոր մահից հետո վանքը զրկվում է իր անխոնջ մշակից: Այդ պատճառով ինչպես վանքի, այնպես էլ նրա կալվածքների ճակատագիրը չորսրեն մտահոգում են կաթողիկոս Խրիմյան Հայրիկին: Հիւրավի, հանգուցյալ վանահորը փոխարինողներից և ոչ մեկը չկարողացավ նույն հոգածությամբ տնօրինել վանքի գործերը: Եվ նկատի ունենալով Հաղարծնում ստեղծված այդ վիճակը, շնայած իր պատկառելի հասակին, կաթողիկոսը 1900-ականի սկզբներին քանիցս այցելում է Հաղարծնի մենաստան՝ տեղում գործերի ընթացքը վերահսկելու, վանքի բարեկարգման շարունակվող աշխատանքները կարգավորելու նպատակով: 1900 թ. կաթողիկոսի համաձայնությամբ և Սիմոն Զավարյանի գլխավորությամբ մասնագետներից բաղկացած մի հեղինակավոր հանձնախումբ է կազմվում՝ էջմիածնի վանքապատկան Մարց և լճաղարծնի կալվածքների հետագա շահագործման պայմաններն ու հնարավորությունները ուսումնարարելու համար: Նույն թվականի հոպիս-օգոստոսին աշխատանքները ավարտելուց հետո, հանձնախումբը ներկայացնում է մի ընդարձակ հաշվետվություն: Ըստ հանձնախմբի հաշվարկների, այս կալվածքի շահագործումից վանքի տարեկան զուտ եկամուտը պետք է կազմեր 6.000 ռ.¹⁹:

Կարևոր էին վանքի տաճարների, շինությունների, ճանապարհների վերանորոգման աշխատանքները: Դրանք իրականացնելու համար Ալեքսանդրապոլից հրավիրվում է ճարտարապետ Մ. Զարիֆյանը: Կնքվում է վերանորոգվում են վանքի կիսամիջր շինությունները, տաճարների խարխուղված պատերը, թիթեղապատվում դրանց տանիքները, բարեկարգվում մենյակները, ճանապարհները և այլն²⁰:

1919—1920 թթ. հետո Հաղարծնում մարեց հոգևոր կյանքը: Հուշարձանի հովանավորությունը ստանձնեց պետությունը, և համալիրը նախահաղափոխական շրջանից պահպանված տեսքով հասել է մինչև մեր օրերը: 1990 թ. Հայաստանի նախարարների խորհրդի որոշմամբ այն հանձնվեց էջմիածնի կաթողիկոսարանի տնօրինությանը²¹:

ПОГОС ВАРДАПЕТ ТЕР-МАРГАРЯН—БЛАГОСТРОИТЕЛЬ АГАРЦИНА

Г. С. ХАРАТЯН

Р е з ю м е

В числе сохранившихся историко-архитектурных и культовых памятников Армении X—XII веков особо выделяется Агарцинский монастырский комплекс.

Систематические войны и набеги способствовали разрушению монастыря и в конце XVIII—середине XIX вв. монастырь окончательно был заброшен и забыт.

Возрождению монастыря в 60-ых г. XIX в. и посвятил себя член Синода св. Эчмиадзина молодой вардапет (архимандрит) Погос Тер-Маргарян, который на протяжении своей более чем 30-летней деятельности восстановил духовную жизнь монастыря, возродил ее хозяйство.

¹⁹ 22 ՊՊԿ արխիվ, ֆ. 56, գ. 387, ց. 6:

²⁰ 22 ՊՊԿ արխիվ, ֆ. 57, գ. 328, ց. 1:

²¹ Խորհրդային Հայաստան, 9. II. 1990: